0.0.1 suppabuddhakutthisuttam

- 1. evam me sutam: ekam samayam bhagavā rājagahe viharati veļuvane kalandakanivāpe. tena kho pana samayena rājagahe suppabuddho nāma kuṭṭhi ahosi, manussadaļiddo manussakapano manussavarāko.
- 2. tena kho pana samayena bhagavā mahatiyā parisāya parivuto dhammam desento nisinno hoti. addasā kho suppabuddho kuṭṭhi tam mahājanakāyam dūratova sannipatitam. disvānassa etadahosi: " nissamsayam kho ettha kiñci khādanīyam vā bhojanīyam vā bhājīyissati. yannūnāham yena so mahājanakāyo tenupasankameyyam. appevanāmettha kiñci khādanīyam vā bhojanīyam vā labheyyanti".
- 3. atha kho suppabuddho kuṭṭhi yena so mahājana-kāyo tenupasaṅkami. addasā kho suppabuddho kuṭ-thi bhagavantaṃ mahatiyā parisāya parivutaṃ dhammaṃ desentaṃ nisinnaṃ. disvānassa etadahosi: "na kho ettha kiñci khādanīyaṃ vā bhojanīyaṃ vā bhājī-yati, samaṇo ayaṃ gotamo parisatiṃ dhammaṃ deseti. yannūnāhampi dhammaṃ suṇeyyanti. tattheva ekamantaṃ nisīdi. "ahampi dhammaṃ sossāmī"ti. atha kho bhagavā sabbāvantaṃ parisaṃ cetasā cetoparicca manasākāsi 'ko nu kho idha bhabbo dhammaṃ viññātum?"ti.

bjt page 224

- addasā kho bhagavā suppabuddham kutthim tassam parisāyam nisinnam, disvānassa etadahosi: "ayam kho idha bhabbo dhammam viññātum"ti. suppabuddham kutthim ārabbha ānupubbīkatham kathesi. seyyathidam? danakatham, silakatham, saggakatham, kamānam ādīnavam okāram sankilesam, nekkhamme ca ānisamsam pakāsesi. yadā bhagavā aññāsi, suppabuddham kutthim kallacittam muducittam vinīvaranacittam udaggacittam pasannacittam. atha yā buddhānam sāmukkamsikā dhammadesanā tam pakāsesi, dukkham samudayam nirodham maggam. seyyathāpi nāma suddham vattham apagatakālakam sammadeva rajanam patiganheyya. evameva suppabuddhassa kutthissa tasmim yeva āsane virajam vītamalam dhammacakkhum udapādi: 'yam kiñci samudayadhammam, sabbam tam nirodhadhammanti. '
- 5. atha kho suppabuddho kuṭṭhi diṭṭhadhammo pattadhammo viditadhammo pariyogālhadhammo tiṇṇavicikiccho vigatakathaṃkatho vesārajjappatto aparappaccayo satthusāsane, uṭṭhāyāsanā yena bhagavā tenupasaṅkami. upasaṅkamitvā bhagavantaṃ abhivādetvā ekamantaṃ nisīdi. ekamantaṃ nisinno kho suppabuddho kuṭṭhi bhagavantaṃ etadavoca: "abhikkantaṃ bhante, abhikkantaṃ bhante, seyyathāpi bhante, nikkujjitaṃ vā ukkujjeyya, paṭicchannaṃ vā vivareyya, mūļhassa vā maggaṃ ācikheyya, andhakāre vā telapajjotaṃ dhāreyya cakkhumanto rūpāni dakkhintī"ti. evameva bhagavatā anekapariyāyena dhamme pakāsito. esāhaṃ bhante bhagavantaṃ saraṇaṃ gacchāmi,

dhammañcabhikkhusaṅghañca. upāsakaṃ maṃ bhagavā dhāretu, ajjatagge pāṇupetaṃ saraṇaṃ gata"nti.

6. atha kho suppabuddho kuṭṭhi bhagavatā dhammiyā kathāya sandassito, samādapito, samuttejito, sampahaṃsito, bhagavato bhāsitaṃ abhinanditvā anumoditvā uṭṭhāyāsanā bhagavantaṃ abhivādetvā padakkhinaṃ katvā pakkāmi.

atha kho suppabuddham kuṭṭhim acirapakkantam¹ gāvī taruṇavacchā adhipātetvā jīvitā voropesi.

- 7. atha kho sambahulā bhikkhū yena bhagavā tenupasaṅkamiṃsu. upasaṅkamitvā bhagavantaṃ abhivādetvā ekamantaṃ nisīdiṃsu. ekamantaṃ nisinnā kho te bhikkhū bhagavantaṃ etadavocuṃ: "yo so bhante, suppabuddho nāma kuṭṭhi bhagavatā dhammiyā kathāya sandassito, samādapito, samuttejito, sampahaṃsito, so kālakato. tassa kā gati, ko abhisamparāyo"ti?
- 8. "paṇḍito bhikkhave, suppabuddho kuṭṭhi, pacca-pādi dhammassānudhammaṃ, na ca maṃ dhammā-dhikaraṇaṃ vihesesi. suppabuddho bhikkhave, kuṭṭhi tiṇṇaṃ saṃyojanānaṃ parikkhayā sotāpanno avinipā-tadhammo niyato sambodhiparāyano"ti.

bjt page 226

¹atha kho suppabuddham acirapakkantam, sī. pts page 050

- **9.** evam vutte aññataro bhikkhū bhagavantam etadavoca: "ko nu kho bhante, hetu, ko paccayo yena suppabuddho kuṭṭhi ahosi, manussadaḷiddo manussakapano manussavarāko?"ti.
- "bhūtapubbam bhikkhave suppabuddho kutthi imasmim veva rājagahe setthiputto ahosi, so uvvānabhūmim nivvanto addasa tagarasikhim paccekabuddham nagaram pindāya pavisantam, disvānassa etadahosi: "kvāyam kutthi kutthicīvarena hi vicaratī"ti, nitthubhitvā apasabyato² karitvā pakkāmi. so tassa kammassa vipākena bahūni vassāni bahūni vassasatāni bahūni vassasahassāni bahūni vassasatasahassāni niraye paccittha. tasseva kammassa vipākāvasesena imasmim yeva rājagahe kutthi ahosi, manussadaliddo manussakapano manussavarāko. so tathāgatappaveditam dhammavinayam āgamma saddham samādiyi, sīlam samādiyi, sutam samādiyi, cāgam samādiyi, paññam samidiyi. so tathaqatappaveditam dhammavinayam āgamma saddham samādiyitvā sīlam samādiyitvā sutam samādiyitvā cāgam samādiyitvā paññam samādivitvā kāvassa bhedā param maranā sugatim saggam lokam upapanno devānam tāvatimsānam sahabyatam. so tattha aññe deve atirocati vannena ceva vasasā cāti.
- **11.** atha kho bhagavā etamattham viditvā tāyam velāyam imam udānam udānesi:

²apasabyāmato, syā. apasāda, dhammapadaṭṭha kathā - apasahavyataṃ = ivetaṭa nisise?.

bjt page 228

"cakkhumā visamāniva vijjamāne parakkame, paṇḍito jīvalokasmiṃ pāpāni parivajjaye"ti.